

Շուշիում պետք է հայն ապրի...

Այս նամակի հեղինակը մինչև 1980-ը եղել է Շուշիի Խ. Աբովյանի անվան միջնակարգ դպրոցի դիրեկտորը, տղան՝ շրջկոմի երկրորդ քարտուղարը: Ներկայումս նրանք երկուսն էլ մահվան սպառնալիքի տակ լքել են իրենց նախնիների հիմնած քաղաքը...

Հարգելի խմբագիր:
Դուք լավատեղյակ եք, ինչ ասրեցին շուշեցիները 1988 թվականի փետրվարից մինչև սեպտեմբեր ու առ այսօր: Իմ ընտանիքի յուրաքանչյուր անդամի, ամեն շուշեցու համար շատ ծանր էր թողնել այն ամենը, ինչը մարագատ ու թանկ է եղել, ինչն ստեղծվել է, արարվել հոգով-սրտով, նվիրումով, հայապահպանության, գոյությունից հեռանկարներով: Մեր միակ դավանանքն է՝ Շուշիում պետք է հայն ապրի: Այդ սուրբ գործում ես ներդրել եմ իմ էությունը, գիտակ-

ցական ողջ կյանքս, նույնը ներարկել զավակներին՝ ու թողնելուս, աշակերտներին, համաքաղաքացիներին: Այդպես վարվեցի նաև 1988 թվականի սեպտեմբերի 19-ի շարաքասիկ օրը, երբ խառնամբոխի հրամանին հնազանդված «քաղաքակիրթ, բարեկիրթ» վաշտոնյաները» հորդորում էին շուշեցիներին երկու օրվա ընթացքում թողնել քաղաքը: Մի կերպ ես կարողացա հայտնել դպրոցի կազմակերպչին, հաջորդ օրը վերսկսել վարենաբար դադարեցված դասերը (սեպտեմբերի 19, 3 դասա-

ժամ): Բայց աշխարհի շարունակում քարին տեսած 78 տարիներիս քարձուներում չէի կարող երևակայել այնքան բիրտ քարքարոտություն, ինչպիսին «ստեղծահանություն» կոչվածն է, որի ան ու սարսափից իր հողի տերը, իր երկրի տերը, խեղճանում ու նվաստանում ես խոստովանել, միայն կենդանի մնալու համար թողնում ու հեռանում է հարագատ եզերքից և այն էլ «խորհրդային» կոչվող երկրում և Արցախում դառնում փախստական...
Հարգելի խմբագիր, իմ քարձուբազույն նպատակն էր հայակերտ Շուշին և հայկական արքայական կառույցները՝ ռեալական ուսումնարանը, 'Լազանչեցոց եկեղեցին, Մարիանյան օրիորդաց դպրոցը, Փամհարյանների հի-

վանդանոցը և հայկական շրուգերեզմանոցները չթողնել որբացած: Հայության հեքը, սրբոտի տրուվը պահպանել այդ քաղաքում: Բայց հիմա ի՞նչ փառք ենք տալիս աստծուն, որ փրկված ենք... Ցնորեցնող ցավ, ցնորեցնող տատապանք, մղձավանջ...
Մեր Շուշիում այսօր տեր ու տնօրինություն են անում մի խումբ ուռնացած ամբոխավարներ ու «բերված» տգետ ելուզակներ, բաժան-բաժան անում հայերի հրաշք այգիները:
Շուշեցի փախստականներին, խոսք չկա, Ստեփանակերտի մարզային մարմինները գոհավիզ եղան, տեղավորեցին, հնարավոր ամեն պայման ըստեղծեցին: Աղայանի անվան դպրոցում նորից դրդանջեց մեր՝ Խ. Աբովյանի անվան

դպրոցի բարբարոսաբար ընդհատված զանգը: 75 աշակերտներով վերակսեցինք դասերը, շուշեցի շրջանավարտներ սվեցինք, նույնիսկ մեկ ուկե մեդալակիր ունեցանք: Բայց, գիտե՞ք, որքան էլ հուզածու և նվիրյալ ախերի մեջ լինենք, որքան էլ «խաղաղ» բացվեն ստավոտները, մեր նոր տների պատշգամբներից երբ նայում ենք երկնքին, որն ազատ, տիրաբար փոփում է նաև Շուշիի հայկական լքյալ թաղամասերի վրա, անկարկարոտից, ցավից կծկվում ենք: Առանց հայի Շուշի չկա:
Վճռականորեն պիտի դրրվի նաև ավերված, հոգով բզկտված ու խոռով քաղաքի՝ Շուշիի նակատագրի հետագա տնօրինման հարցը: Շուշիում հայը պետք է ապրի, հայկական Շուշին պետք է գոյատևի...
Արսեն ԽԱՀԱՏԻՅԱՆ
Ստեփանակերտ